Bulle - Urbain VIII. 1626

# ExLibris \*



PROFESSOR J. S. WILL



Library of the University of Toronto Bulle I'Virbain VIII




# BVLLE DE

1+

NOSTRE TRES-SAINCT PERE LE PAPE VRBAIN VIII. sur la celebration du Iubilé general en la ville de Paris. 1824

Auec le Mandement de Monseigneur l'Archeuesque.



A PARIS,

Chez C. MOREL Imprimeur ordinaire du Roy.

M. DC XXVI.

Auec Prinilege de sa Majesté.



### BVLLE DE NOSTRE

Tres-sainct Pere le Pape Vrbain VIII. sur la celebration du Iubilé general en la ville de Paris.



RBAIN Pape VIII. à tous fideles Chrestiens qui ces prefentes Lettres verront, Salut & benediction Apostolique. Nofire Seigneur IESVS-CHRIST, duquel combien qu'indigne, nous tenós le lieu en terre, nous a voulu donner la puissance de

lier & deslier, asin que veillans sur son trouppeau, duquel il nous a donné la charge, nous procurions paternellement & soigneusement le salut d'iceluy. De là est, que considerant qu'vn grand nombre de personnes de la ville de Paris, au Royaume de France, Bourgs, Villages, & lieux de leur Diocese, pour plusieurs empeschemens; particulierement à cause des guerres continuelles, qui insques à present ont affligé ledit Royaume, ou par autres occasions ne sont venus & ne peuuent venir en ceste nostre ville de Rome, pour gaigner les dons celestes & tresors

A ij

spirituels des Indulgences de l'an present du Iubilé. Et à ceste cause, voulans pourgeoir au salut, tant d'icelles personnes que de toutesautres ames sideles, & enclinans à la requeste qui nous a esté humblement presentee de la part de nostre tres-cher fils en IESVS-CHRIST Louis tres Chrestien Roy de France & de Nauarre: Nous confians en la misericorde de Dieu tout-puissant, & en l'auctorité des bien heureux Apostres Sainct Pierre & S. Paul, de la mesme auctorité Apostolique, par la teneur des presentes, Nous concedons à tous sideles Chrestiens de l'vn & de l'autre sexe, habitans & demeurans en ladite ville de Paris, & autres Villes, Bourgs, Villages, terres dudit Diocese & lieux circouoisins, & qui pour le temps du present Iubilé, viendront en ladite ville de Paris, vrayement penitens, confessez de leurs pechez, & repeuz du sain& Sacrement de l'Eucharistie, qui l'annee prochaine mil six cens vingtfix, visiteront deuotement une ou plusieurs Eglises qui seront deputee ou deputees par nostre venerable frere l'Archeuesque de Paris, l'espaçe de quinze iours continuels ou discontinuels, lesquels iours nous entendons qu'il soit permis audit Archeuesque de pouvoir diminuer à sa volonté en faueur des pauures malades, vieillards, femmes enceintes, filles, vesues, & autres qui auront quelque legitime em-peschement, ses Diocesains, comme austi en faueur des Chapittes, Congregations, tant Seculieres que Regulieres, des Compagnies, Vniuerstrez, Confrairics, qui visiteront ladite Eglise, ou lesdites Eglises; Et aussi de pouvoir deputer vne ou plusieurs Eglises d'autres lieux, tant de ladite ville de Paris, come des autres Villes, Bourgs, Villages & lieux dudit Dioce-

fe, ainsi qu'il iugera estre expedient pour le salut de leurs ames, & en visitant reelles, y prieront Dieu deuotemét, pour la remission de leurs pechez, pour la colernation de la Paix-entre les Princes Chresties, l'extirpation des heresies, & exaltation de nostre Mere laince Eglise, disant cinq fois l'Oraison Dominicale, & autant de fois la Saluration Angelique, qu'ils puissent gaigner la pleniere Indulgence & re-mission dudit an Iubilé, de tous leurs pechez, de telle façon que s'ils eussent personnellement visité l'an de Iubilé, les quatre Eglises de nostredite Ville, deputées à certains iours, pour gaigner ledit Iubilé, & eussent accomply toutes autres choses à ce requises. Et à cet effect, qu'ils puissent essire des Confesseurs Seculiers ou Reguliers, de ceux qui auront esté nommément deputez pour cause dudit Iubilé par ledit Archeuesque, dedans les Eglises or-données, les quels ayans diligemment entendu leurs confessions & enjoint vne penitence salutaire, les puissent absoudre de quelconques pechez, crimes, excez, delicts, pour griefs & enormes qu'ils soient, mesmement reseruez au sainct Siege Apostolique, & contenus en la Bulle qui a accoustumé d'estre leue In Cana Domini, & de toutes censures & peines Ecclesiastiques, seulement à l'effect de pouuoir gaigner ledit Iubilé. En outre, nous permettons par la mesme auctorité Apostolique, à tous ceux qui sont venus à Rome, ou qui en autre lieu, auront en quelque maniere que ce soit gaigné ledit Iubilé, qu'ils puissent de nouueau le gaigner suiuant la teneur des presentes. Dauantage, don-nons pouuoir audit Archeuesque de prescrire les conditions, moyens & temps aux Religieux de

quelque ordre que ce soit, & aux Congregations d'orphelines, & autres femmes viuantes en com-piun, pour obtenir le fruict dudit Iubilé en leurs Monasteres & maisons. Et finalement, en toutes & chacunes les choses susdites, faire ordonner & pouruoir à sa volonté, & y apporter tous les remedes qu'il ingera propres & conuenables pour le falut des ames. Les presentes n'auront force & vertu que pour trois mois, à compter du jour de leur publication, nonobstant toutes constitutions & Ordonnances Apostoliques, & toutes autres choses à ce contraires. Donné à Rome à S. Pierre, tous le feel du Pescheur, le treziesme iour de Iuin mil fix. cens vingt-cinq. Et de nostre Pontificat le second.

> Signé, V. THEATIN.

EAN FRANCOIS DE GON-DY, par la grace de Dieu & du sainet Siege Apostolique, Arche-uesque de Paris, à tous sideles Chrestiens, Salut en nostre Seigneur. Puis qu'il a pleu à nostre tres-sainct Pere le Pape, d'employer les meri-

res de nostre Seigneur Iesus Christ, & des Sainces bien-heureux qui sont auec'luy en sa gloire, pour payer & satisfaire pour les peines deucs à nos pe-chez par la concession d'vn Iubilé general, faicte non seulement à Nous & au peuple qui nous est commis: mais aussi à tous ceux qui s'achemineront en ladite ville de Paris, & visiteront les Eglises par nous designées. Nous enioignons à tous Curez, Pasteurs & Predicateurs de ce Diocese de Paris, &

prions ceux des lieux circonuoisins, ensemble tous Archeuesques, Euesques, & tous aurres Prelats, vouloir aduertir, ou faire aduertir, tous fideles Chrestiens de leurs Dioceses de la grace du present Iubilé, ainsi qu'il est porté par la Bulle de sa Saincteté: & icelle faire publier par toute l'estenduë de leurs Dioceses, & exhorter le peuple de se mettre en bon estat, par ieusnes, oraisons, aumosnes enuers les pauures, enuers les Hospitaux & prisonniers, & autres œuures de pieté & misericorde, pour se rendre dignes de participer efficacement au fruict spirituel d'vn si grand bien. L'ouverture dudit Iubilé se fera le neusuiesme iour de Mars, qui sera le deuxiesme Lundy de Caresme, & continuera iusques au neufuiesme iour du mois de Iuin de la presente année, qui seront trois mois entiers, contenus en la Bulle de nostre sainct Pere, dans lesquels il faudra qu'vn chacun de ceux qui veulent gaigner ledit Iubilé, se confessedans l'une des Eglises où sont les Stations, & à l'vn des Confesseurs deputez par nous pour le Iubilé, & qu'il visite quinze iours cotinuels ou discotinuels les Eglises par nous ordonnées en la maniere qui s'ensuit, c'est à sçauoir que chacun des cinq premiers iours continuels ou discontinuels on visitera l'Hostel Dieu, en l'Eglise de nostre Dame, l'Eglise de S. Louis maison professe des Iesuistes en la ruë sain& Anthoine, l'Eglise des Minimes en la place Royale, l'Eglise des Filles de la Magdelaine en la ruë des Fontaines deuant la Temple, & l'E. glise des Filles Penitentes en la rue fainct Denys. Chacun des cinq autres iours ou visitera l'Eglise de S. Eustache, l'Eglise des Prestes de l'Oratoire, l'Eglise des lacobins du Faux bourg sainct Honoré,

l'Eglise des Feüillans, & l'Eglise de l'Hospital de la Charité. Et chacun des cinq derniers iours continuels ou discontinuels, on visitera l'Eglise de saince Estienne du Mont, l'Eglise des Iacobins du grand Conuent, l'Eglise des Cordeliers du grand Con-uent, l'Eglise des Augustins du grand Conuent, & l'Eglise des Carmes de la place Maubert, & en chacune desdites Eglises, chaque fois qu'on la visitera on dira cinq fois le Pater & l'Aue Maria, laissant à la deuotion d'vn chacun de dire quelques autres prie res, & parriculierement celles qui ont esté dresses par nostre comandement. Toutes lesquelles prieres nous enioignons & ordonnons estre faices pour la remission de leurs pechez, pour la saincte Eglise Ca-tholique, Apostolique & Romaine, pour l'extirpa-tion des heresies, pour nostre sainct Pere le Pape, pour nostre Roy tres Chrestien Louis XIII. pour la paix & tranquillité de ce Royaume, & particulieremençafin qu'il plaise à Dieu luy donner heureuse lignee, pour les Roynes & Princes du sang Royal, & pour la paix & vnion entre les Princes Chre-stiens. Et parce que depuis quelques annees Dieu nous a affligé de la maladie contagieuse, dont nous sommes encores menacez, nous exhortons vn chacun de priet Dieu, afin que par l'intercession de S. Roch, il nous veuille preserver de ladire contagion. Il faut aussi pour gaigner ledit Iubilé, qu'vn chacun dans les quinze jours qu'il choisira pour vi-siter les dites Eglises, reçoiue le sain & Sacrement de l'Eucharistie, exhortans vn chacun de ieusner pour le moins la veille du jour de leur Communion. Et quant aux Monasteres des filles Religieuses & Orphelines suivant la permission à nous faice par ladite

dite Bulle au lieu des Eglises que nous auons cy-dessus deputees, elles pourront visiter autant d'Au-tels, ou au desaut d'iceux saire leurs deuotions deuant leur grand Autel, en disant autant d'oraisons que si elles visitoient les Eglises par nous designees. Aussi par la mesme puissance à nous donnée par la mesme Bulle, ayans esgard aux malades, aux prisonniers, aux vieillards incommodez, aux femmes enceintes, nourrices, & à tous autres qui viendront à Paris des diuers Dioceses & Prouinces de la France pour gaigner le lubilé, nous enjoignons & ordonnons que l'ordre que nous auons estably, tant pour les Confessions que pour la visite des Eglises, soit suiuy, & pour cet effect soit imprimé en suitte de ce nostre Mandement. Et afin qu'il plaise à Dieu nous faire la grace de donner vn bon & sainct commencement à vne œuure si importante, le huistiesme iour de Mars, qui sera le deuxiesme Dimanche de Caresme, se fera vne Procession generale en la ville de Paris par tout le Glergé, tant des exempts que non exempts, laquelle ira à l'entour de la Cité, pour retourner en l'Eglise de nostre Dame, où se chantera la Messe solemnelle du S. Esprit. Nous entendons toutes fois qu'en la quinzaine de Pasques vn chacun fera son deuoir de receuoir les Sacremens en sa Paroisse, outre la Confession & Communion que chacun aura faicte ou fera pour l'effect du Iubile. Faist à Paris le 23. Feurier 1616.

#### Ordre des Eglises que ceux qui veulent gaigner le Inbilé doinent visiter.

Eux qui veulent gaigner le Iubilé visiteront quinze iours continuels, ou discontinuels, les Eglises suiuantes en la maniere qui s'ensuit.

Chacun des cinq premiers iours continuels, ou dif-

continuels, on visitera les Eglises suiuantes.

L'Hostel-Dieu de Paris en l'Eglise de nostre Dame.

L'Eglise de S. Louys, Maison Professe des Iesuites, en la riie S. Antoine.

L'Eglise des Minimes de la place Royale.

L'Eglise des Filles de la Magdeleine, en la riie des Fontaines, deuant le Temple.

L'Eglise des Filles Penitentes, en la riie Sianct

Denys.

Chacun des cinq autres iours continuels, ou discontinuels, on visitera les cinq Eglises suivantes.

L'Eglise de S. Eustache.

L'Eglise des Prestres de l'Oratoire

L'Eglise des Iacobins du faux-bourg S. Honoré.

L'Eglise des Fueillans.

L'Eglise de l'Hospital de la Charité, où on ira si on veut commodément passant le bac des Tuilleries audit Hospital.

Chacun des cinq derniers iours continuels, ou difcontinuels, on visitera les Eglises suiuantes.

L'Eglise de S. Estienne du Mont.

L'Eglise des Iacobins du grand Conuent, prés la porte S. Iacques.

L'Eglise des Cordeliers du grand Conuent. L'Eglise des Augustins du grand Conuent. L'Eglise des Carmes de la place Maubert.

#### Autre Ordre que Monseigneur l'Archeuesque de Paris veut estre gardé tant pour les Confessions que pour les visites des Eglises.

VL Prestre seculier ny regulier ne pourra entédre les Cofessions pour l'essect du Iubilé, ny deputer aucun pour les entendre, sinon ceux qui en auront esté iugez capables par ceux que nous auons commis & auront esté arrestez en nostre Conseil.

Nul Prestre seculier ny regulier deputé pour ouyr les Confessions pour le Iubilé, ne pourra entedre aucunes Confessions pour ledit Iubilé, sinon

aux Eglises designees.

Les Curez toutesfois de la ville & faux-bourgs de Paris pourront entendre les Confessions de leurs Paroissiens & tous autres en l'vne des Egli-

ses où sont les Stations du Iubilé.

Et pource qu'en la Bulle de nostre sainct Pere, il n'est faict aucune mention de la commutation des vœux, nous auons treuué bon de declarer que nous donnons puissance à tous Prestres deputez pour l'effect du subilé de commuer, etiam in minus, tous vœux à nous reservez.

Les malades tant en la ville de Paris qu'en nostre Diocese, qui ne pourront visiter toutes les Eglises où sont les Stations du Iubilé, se confesferont aux Curez, Vicaires ou Porte-Dieu de la Paroisse, ou bien s'il y a quelque Prestre habitué

Bij

de leur Paroisse qui soit deputé pour entendre les Confessions dans les Eglises où sont les Stations du Iubilé, auec le consentement de leur Curé, ils le pourront appeller, lesquels les pourrot entendre en Confession, & leur ordonner des œuures pieuses & satisfactoires à la discretion desdits Confesseurs, au lieu des visites des Eglises que les dits malades deuroient faire s'ils estoiet en santé. Ce que nous vou-los aussi estre entédu des persones, les quelles pour debtes ou autres incommoditez semblables, n'ont pas le pouvoir de sortir de leur logis ou prisons.

Les vieillards, femmes enceintes, & nourrices de la ville & faux-bourgs de Paris, pour gaigner le Jubilé, se transporteront en l'vne des Eglises des Stations la plus proche & commode, & là confessez & communiez visiteront cinq ou plusieurs Autels par trois ou plusieurs iours continuels, ou discontinuels, le tout à la discretion de leurs Confesseurs. Les vieillards, semes enceintes & nourrices de nostre Diocese, qui demeurent hors la ville & faux-bourgs de Paris, pourront gaigner le Jubilé, se contessa au Curé ou Vicaire de leur Paroisse, les quels leur enioindront de visiter cinq ou plusieurs Autels de l'Eglise Parochiale d'où ils seront, par trois ou plusieurs iournees: le tout à la discretion dudit Curé ou Vicaire.

Les forains & personnes qui nesont d'aucune Paroisse de la ville & faux-bourgs de Paris, & qui sont essoignez de la ville & faux-bourgs de Paris plus d'vne licue, & autres qui viendront des autres Dioceses & Prouinces de la France à Paris pour l'effe du Iubilé, le pourront gaigner se confessans & communians dans l'vne des Eglises des Stations,

& visitanticelles par l'espace de trois jours continuels, ou discontinuels, à sçauoir cinq Stations chaque jour, selon l'ordre qui est couché dans nostre Mandement, & le reste des visites des quinze iours ils les acheueront chez eux selon l'ordre qui leur en sera prescrit par leur Confesseur.

#### Reglement que Monseigneur l'Archeuesque de Paris veut estre obserué aux Eglises où sont les Stations du Iubilé.

POvR exciter la deuotion de tous les Chre-itiens, le S. Sacrement de l'Autel Iera exposé en public tout le long du iour, tous les trois mois du Iubilé dans les Eglises où sont les Stations.

2./ Les Curez & Superieurs des Religions où sont les Stations du Iubilé, auront soin que leurs Eglises soient si bien fermées toutes les nuicts, que personne n'y puisse entrer, & que ceux qui en ont la charge en ayent les clefs, & qu'auant le iour on n'ouure les portes, & qu'on les ferme auant la nuict, & que nul auat le iour, ny la nui de venuë, n'y entede les Confessions, & queles dites Eglises soient ouuertes tout le long du iour.

Les Curez ou Superieurs Religieux des Eglises où sont les Stations, procureront que depuis e'nq heures du matiniusques à midy, outre la grande Messe, on dise tousiours successiuement, s'il te peut faire commodément, quelque Messe au grand Autel, ou autres Autels, afin qu'en tout temps tous ceux qui viennent visiter les Eglises puissent selon leur deuotion entendre la Messe.

iii

4. Pour l'honneur & reuerence du Sacrement de la Penitence, & pour faire recognoistre & distinguer les Confesseurs deputez pour le Iubilé, d'auec les autres Confesseurs ordinaires, ceux qui sont deputez pour le Iubilé auront l'Estole pendant qu'ils seront au Confessional, & ce tant aux Paroisses qu'aux Religions où sont les Stations du Iubilé.

5. Il y aura en la Sacristie de chacune des Eglises où sont les Stations du Iubilé, vn tableau où seront escrits les noms & surnoms des Confesseurs establis pour le Iubilé dans ladite Eglise, & chacun des Curez ou Superieurs des Eglises où sont les Stations, aura la liste des Confesseurs deputez pour le Iubilé

en son Eglise.

6. Il y aura en chacune desdites Eglises où sont les Stations en Ecclesiastique deputé pour prendre garde si on obserue l'ordre qui a esté estably, asin d'en aduertir le Curé ou Superieur de ladite Eglise, & le faire entendre à nous ou à nos grands Vicaires pour le faire obseruer.

Faiot à Paris le 23. Feurier 1626.

## Extraict du Privilege du Roy.

PAr Lettres patentes du Roy donées à Paris le 23. Feburier 1626. signees, Par le Roy en son Coseil, Verdier, & seellées sur simple queue du grand seau de cire iaune, il est permis à Claude Morel Imprimeur ordinaire de sa Majesté, d'imprimer ou faire imprimer, vendre & distribuer la Bulle de nostre S. Pere le Pape pour le Iubilé, ensemble les Mande-

mens, publications & Reglemens qui doiuent estre publiez par son Royaume, auec les Prieres que Messire François de Gondy Archeuesque de sa bonne ville de Paris, a commandé estre dresses pour ledit Iubilé. Auec desenses à tous Libraires, Imprimeurs, & autres de les imprimer, vendre ne distribuer durant & pendant le temps dudit Iubilé, si ce n'est de son consentement, sur peine de confiscation des exemplaires, d'amende arbitraire, & de tous ses despens, dommages & interests. Veut en outre sa Majesté, que mettant à la sin ou au commencement desdits liures vn extraict sommaire dudit Privilege, il soit tenu pour bien & deuëment signisé, à ce qu'aucun n'en pretende cause d'ignorance.







